

民國四年印



籌藏政策

西藏調查員李明渠著并題

民國四年十二月出版



著者
作人

桃源李明渠

印刷者

北京正蒙印書局

代售者

商務印書館
中華書局

定價大洋六角

自叙

中庸有云道也者不可須臾離也可離非道也余於籌邊高等學校求學後至於學業其有不合者仰而思之夜以繼日幸而得之坐以待旦猶恐失也故民國三年請國務總理暨蒙藏院派邊効勞到邊時自備資斧束裝出關調查西藏土地政治人民風俗一以勤國家之邊政一以資學問之實驗於民國三年十一月十八日調查畢將西藏旅行記撫定邊藏計畫呈報於蒙藏院政事堂奉批以剴切詳明足徵心得實有益於國家邊政轉呈大總統飭令川邊鎮守使照計撫綏漢夷整飭邊治萬勿稍有瞻徇致誤邊局等語回思調查之際揮盡家財竭筋力捐棄軀命備嘗險阻自覺於邊政學識中猶有樂也既至調查以後將來年餘下帷斗室冬不爐夏不扇飢不食渴不飲潛心積慮合西藏旅行記撫定經營各計畫而編成籌藏政策一書或於國家邊政一科不無小補云至於建奇功樹偉績是所望於後之君子敢竭鄙誠具成短章籌邊繼道古從戎志在長驅萬里風當日漢廷求異等須知博望是英雄

桃源李明渠謹識

籌藏政策目錄

第一編

第一綱 旅行

第一款 西藏旅行記

第二編

第二綱

第一款 分類詳記

第一目 人種

第二目 風俗

第三目 職業

第四目 衣冠

第五目 飲食

第六目 宮室

第七目 婚姻

第八目 生育

目錄

目 錄

第九目 喪葬

第十目 禮儀

第十一目 社會階級

第十二目 教育

第十三目 交通

第十四目 物產

第三編

第三綱 撫定邊藏計畫

第一目 肅清吏治

第二目 正重官人

第三目 嚴正軍紀

第四目 免輕差役

第五目 嚴禁賕賭

第六目 剷除苛刑亂罰

第七目 軍民分治

第八目 賴理財政

第九目 結論

第四編

第四綱 官制

第一款 改組原有機關以定名分正重邊政

第一目 鎮守使爲籌邊使總理籌邊軍民各政

第二目 籌邊使署設財政廳兼籌實業稅務

第三目 籌邊使署設政務廳

第四目 籌邊使署設軍務廳兼辦屯田

第五目 籌邊使署設墾務廳兼辦軍事

第六目 籌邊使署設審判廳直接法院

第七目 籌邊使署設暫轉運局代理郵政

第八目 籌邊使署設鑛務廳以提倡鑛業

第九目 各處知事與以監督軍人特權兼極力墾務經營鑛務保護森林

第五編

目錄

目 錄

第五綱 理財之開源

第一款 開源謹就經營邊藏計畫分項言之

第一目 組織商團爲籌藏之急圖

第二目 購鑄幣機器鑄邊藏金銀銅各幣以便行使

第三目 改良轉運爲收回利權及促成勸亂之大成

第四目 組織公銀行以利金融而興實業

第五目 擴張鹽務以盡地利

第六目 普設茶店以便民用

第七目 速辦公收以收富利而快運輸

第八目 先辦公墾以儲食用隨即移民自墾爲實邊藏之計

第九目 增修塘房發貸訂價以利行人爲招商之先導

第十目 購訂機器改良毛織

第十一目 調查鑛產提倡開採

第十二目 調查俗尙利用衷情爲豫備工業之基礎

第十三目 保護森林敷民利用

第十四目 創修輕便鐵道以利交通

第十五目 結論開邊藏之財源救急莫如鑄幣通商致遠莫如修輕便鐵道爲富強之本

第六編

第六綱 理財之節流

第一款 節流

籌藏政策第一編

第一綱 旅行

第一款 西藏旅行記

民國二年十二月奉蒙藏院暨國務總理命調查邊藏地方政治人民風俗物產土地形勢等事。於是將遂日所履歷者以筆記之。因名之曰旅行記。由京到漢。皆鐵道也。由漢到宜。皆輪船也。到宜昌而後。雖可以乘輪船到重慶。然而其輪船爲之一變。因三峽險阻。江水急流。非特別精強之機輪。不足以逆上流。故此地之輪船。一句鐘可行四五十中里。爲滾滾之江流。而另辨者也。只四越日而直達重慶。轉達成都。爲平坦大道。至成都爲八百里平原。土地肥美。真中國一大省會也。三年五月到川。城武將軍聞奉中央命調查邊藏。遂派送鑪城鎮守府龔五月渡鑪。深入不毛。沿途所經者爲四川之雅州。其地山水秀雅。人物英奇。由雅州而往鑪城。中分二道。一經大相嶺。飛越嶺。鑪定橋而抵鑪城。爲大道。一經天全縣。將軍石合於鑪定橋而抵鑪城。爲小道。渠抵鑪城時。正六月中旬。且是月也。到川邊。鎮守府後。即束裝出關。調查邊藏情形。不敢稍遲。奉命故也。六月中旬。由鑪城南門出發。四十里而宿折多塘。爲康定縣疆域道路寬坦。山形斜蕩。沿途石子極多。經石橋三道。古樹參天。犛草滿地。產金鑪者五十餘處。天氣稍寒。居民鮮少。只六十七戶。厥土爲黃壤。惜未開墾。而種植。越明日。正六月十八日也。七十里。

而抵提茹亦屬康定中間過折多山山形崎嶇道路險阻山中之雪經年不化土人名之曰萬年雪雪光如銀空氣如冰初到者目光宜以顏色鏡防之不然則爲瞎子沿途經木橋一草坪極多樹木參差氣候寒如黃壤肥沃開爲田地最宜稼穡人民多寡七十八戶又四十里而宿安良壩管轄者亦康定縣道路平坦概是砂路沿途經木橋二氣候稍寒草木肥茂居民僅十餘戶雖有沃壤可以爲田惜無種植者六月十九日由安良壩四十里而至營官寨一片道路平坦已極經木橋二道土色肥沃草木迷望氣候寒宜居民七十八戶不勤種植樂不得不爲康定縣地利惜也又四十里而宿東俄洛接雅江縣境沿途經木橋三道草壩甚多道路平坦厥礦金銀甚多厥土爲黃壤最宜種植居民衆多將五百六十戶氣候略寒古木參天誠天然富塊六月二十日三十里而抵山根子土色紅黃道路平坦沿途經木橋一道無人民居住只台站一氣候寒涼又六十里而宿臥龍石沿途過高日寺山形勢險惡山色銀白玉兔東升時照耀怪石奇峯中現赤色金光輝然在目富有礦產又宜種植有二小溪可以灌溉最宜田種氣候略寒人民廣有約四百五十戶又四十里而至八角樓時惟六月二十一日沿途衆多小山曲折道路經木橋二滿地芳草萋萋古木芴芴土色紅黃居民四十五戶天氣稍寒又五十里而宿雅江縣城是時任雅江知事者爲余宗祿政治略有居民百餘戶地勢平坦道路正直沿途經木橋四綠樹蒼草欣然迷目厥土爲黃壤氣候極熱六月二十二日四十里而宿麻蓋宗沿途道路險惡奇右環立曲折周旋上下難步

經鴨龍江渡皮船渡終日江聲凶惡有如巨風貫耳其間經木橋三道天氣溫和礫土爲砂泥種宜玉麥居民五十六戶六月二十三日行六十里而抵剪子灣猶屬雅江縣道過麻噶山亂石參天有木橋二柴草俱無人民滅有惟台站一而氣候極寒又六十里宿西俄屬裡化縣經撥浪工巨風飛石道路艱難過木橋二草木皆有礫土多砂氣候極寒居民二十餘戶六月二十四日六十里而宿陷馬拉洞道過俄洛山險阻艱難有木橋一道全地砂石草木暢茂氣候稍寒居民三十四戶又四十里而抵干把頂過小山一道路盤旋不甚崎嶇中間木橋一道柴草俱無氣候寒冷居民鮮少有台站一六月二十五日四十里而宿火竹卡過干把頂山勢崎嶇道路險惡經木橋一道古樹蒼蒼蔓草橫翠氣候稍寒居民三十四戶石中多種玉麥六月二十六日四十里而抵腰卡子沿途經小山二道山少坪多原草離離古木森森過木橋二道厰土黃壤氣候寒涼居民鮮少有台站一又四十里而宿裏化縣城現任知事者蔣鳳岐沿途過小山一道大道坦然有山洞二草木暢茂禽獸繁植土色紅黃氣候極寒居民四千五百戶六月二十七日三十里而抵大橋沿途寬坪草路利乘牛馬經小溪二道氣候極寒居民鮮少有台站一又四十里而宿頭塘沿途過小山一道路坦便行極目之間草木迷望氣候極寒居民僅二戶六月二十八日五十里而抵乾海子沿途經黃土岡石亂難行氣候極寒居民鮮少有台站一又六十里而宿喇嘛了猶屬裏化縣沿途過小山一道風急天高道坦坪闊曾經木橋六道芳草滿地巨木參天氣候溫和居民四百

五十戶六月二十九日五十里而抵墨甘多爲敦義境縣沿途過喇扒山砂路好走經小溪二道草色青青樹影蒼翠厥土爲黃泥兼砂種宜青稞墾可樹稻氣候溫和居民五十六戶又四十里而宿三郎壩過小山二道木橋一道平原皆土草木暢茂厥土爲黃壤最宜稼穡氣候稍寒居民少有有台站一六月三十日九十里而宿義敦縣城現任知事者爲范毅明無一建設浩浩坪陽略樹奇石土地肥沃惟見芳草奇樹漫天沿途經木橋三道氣候略寒居民少有僅四戶而已樂土樂土其無建設何七月一日九十里而抵巴安縣之大湖塘中間過三壩山經小溪一道厥土爲泥兼砂美觀者青草奇壯者巨木金銀礦產富有溫和氣候宜人居民僅六十五戶七月二日五十里而抵山腰中間過大湖山羊腸十二回危如登天經小溪一道奇石插天石縫中現赤色金光有如秀日柴草俱無氣候略寒居民鮮少有台站一又五十里而宿奔察木中間道路艱難危石磷立樹木雖有而氣候略寒富有金銀礦居民只四十五戶七月三日四十里而抵小巴冲中間亂石亦多路道崎嶇經木橋二道草木迷津土色紅黃宜種苗麥氣候溫和居民七十八戶又三十里而宿巴安縣城地勢平坦土質肥沃中間經木橋四道赤柏蒼松歷歷滿地嘉禾秀草離離漫天氣候煖熱金銀銅鐵富有厥土爲黃壤厥田爲上上民氣渾厚商埠略有居民有七千八百戶惜現任知事者爲金儒行係護衛團軍醫不曉邊政又無行政經驗曠此樂土而爲荒郊偏此商場而爲野聚吾人到此調查邊地不得不爲太息惘悵也七月四日三十里而抵牛古渡中間坪原

浩蕩草木繁盛土兼砂泥經木橋一道氣候溫和居民十餘戶又五十里而宿喜松工上喜松工山宿于半腰中間渡金沙江渡以木船道路崎嶇奇石夾岸水勢洶洶如自天下木渡橫江稍遲舟得氣候稍寒居民十餘戶樹林奇而古木質堅而美爲林業之大府也七月五日五十里而抵日喜松多是日也過喜松工山羊腸環下奇石磷磷路道危險如自天下經木橋二道草木皆無居民滅有氣候寒如佳以牛毛帳棚又四十里而宿雍西爲武城縣境現知事周瑾璋任之出于營中書記中間過小山二道路甚崎嶇過小溪三道草木俱無氣候亦寒居民亦少佳以牛毛帳棚七月六日四十里而抵支已過小山二道路路凶惡經木橋二道氣候亦寒居民五十六戶又五十里而宿孔菊達屬貢覺縣沿途路道平坦惟多石中間經小溪三道草木稍有氣候亦寒富於金鑛居民鮮少佳以牛毛帳棚七月七日八十里而抵孔撒沿途經木橋二道豁然中開草木肥美土兼泥沙最宜種植爲鑛多金銀銅質氣候稍寒居民十餘戶又三十里而宿貢覺縣城現任知事爲劉欽贊稍有知識經驗中間經木橋二道地勢平坦物產裕如厥土爲泥沙草豐厚而宜種植氣候略寒居民十餘戶七月八日五十里而抵洛多中間經小山二道路路不甚平坦過小溪三道草木稍有土宜種麥氣候亦寒居民悉以牛毛帳棚又五十里而宿苟麥卽察雅縣境又名定了縣小坪極多山陵俱細沿途經小溪二道原草離離山林蒼翠厥土爲黃壤最宜種植氣候小寒金銅鑛富有居民十餘戶七月九日四十里而抵熱水塘中間經木橋二道野多坪原道路平坦

原上之草綠色鮮明陵間之樹直樹參天土色紅黃氣候溫和種五穀而美茂居民僅二戶耳又三十里而宿察雅縣城現任知事者爲夏琄建設完備中間平原肥沃道路寬平經木橋二道芳草奇木列列坪原厥土爲黃壤富產稼穡金銀鑛產裕如氣候溫和居民百有餘戶七月十日六十里而宿昂地沿途經木橋二道平原草色蒼蒼松柏九九厥土爲塗泥而紅黃最宜種麥鑛產金銅氣候稍寒居民十餘戶七月十一日六十里而宿王卡中間過昂地山中四時積雪經木橋三道草木皆有氣候亦寒居民二十餘戶七月十二日六十里而宿巴貢屬昌都縣境中間過王卡山峻削奇峯直插雲霄路道險阻雲傍馬頭沿途經木橋二道富產金鑛氣候溫和居民四十餘戶七月十三日七十里而宿包墩地形曠闊道路平坦草木蒼古生植繁英厥土泥砂厥鑛爲金銀沿途經木橋二道氣候溫和居民二十餘戶七月十四日六十里而宿猛堡道路凶惡行旅艱難草坪略有鑛苗銅金厥土紅黃性宜種植沿途過小山二道木橋二道氣候溫和居民十餘戶七月十五日六十里而宿昌都縣城又名察木多現任知事者譚光賢係邊軍分統劉贊廷之書記行事專橫性情貪污曠墾殖之土地而不理事博奕之遊戲而加勒沿途道路平坦氣候溫暖木橋三道居戶千餘間及金銀銅鑛則無地不旺七月十六日三十里而抵俄洛橋山形阻惡道路險阻草坪亦有木色蒼然厥土色黃種植亦可氣候溫和居民二三戶又三十里而宿浪蕩渠沿途道路不甚好走金銀銅鑛甚多草木生植暢茂經小橋三道山多小坪厥土黃墳墾宜稼穡氣候

亦溫居民十餘戶七月十七日三十里而抵裏角塘出發時過瀾江上流名默初河渡以皮船其間山脈橫生小坪略有山林草木蒼翠橫空鑛產富有土色紅黃沿途道路可走經小溪三道氣候小寒居民皆以牛毛帳棚又六十里而宿拉貢沿途經木橋五道道路坦然草木蒼翠種類繁植金鑛滿地小草坪富有氣候稍寒居民二十三戶七月十八日六十里而宿恩達寨沿途過于楚河亦瀾倉江上之支流也亦以皮船路途多石不甚好走產金者六十餘處青青然草坪迷望喬喬然古木參天厥土爲青泥墾田而小溪甚多可以免旱氣候和暖居民四十六戶七月十九日六十里而宿鐵匠溝道路坪坦草木暢茂沿途經小山一道木橋二道厥鑛爲金厥土爲白憤氣候溫和居民七八戶七月二十日七十里而宿瓦河塘沿途經小溪二道木橋二道草坪極多道路平坦種植略有厥土爲黃壤厥鑛爲金氣候略寒居民少有七月二十一日二十里而抵瓦河寨沿途道路平坦草木肥茂鑛苗極多土質肥美氣候稍寒居民二三戶又七十里而宿麻里沿途草肥木美金銀鑛英富中間經小溪三道木橋一道厥土色黃最宜種植氣候寒如居民十二戶七月二十二日五十里而宿嘉裕橋沿途多危石而平經小溪二道木橋一道中間草木迷望石中金光耀目過嘉裕橋時河名敖楚河卽怒江上流水聲洶洶如自天下渡以鐵索危險極矣厥土爲黃兼砂氣候溫然居民二十七戶七月二十三日三十里而抵鼻奔山山勢阻險奇石磷磷樹于道傍沿途經小溪三道木橋二道芳草迷津大樹滿野厥鑛多銀銅厥土爲黃兼砂氣候稍寒

居民以牛毛帳棚又五十里而宿洛隆宗地勢稍坦沿途經小山三道小溪三道草色肥美樹木古蒼爲礦多金爲土色黃氣候溫和居民五戶七月二十四日一百二十里而宿紫駝沿途草木最多而道路可走中間只無打尖處山上開有草坪而人烟鮮少經小溪四道巨木頗多金礦富有氣候多寒居民少有皆以牛毛帳棚七月二十五日四十里而抵傾般多道路在兩山脈間山中惟多古木又多奇石金礦富有土地不多氣候稍寒居民二十餘戶又五十里而宿中義溝沿途過巴喇山口路南多山路北亦有草坪經小溪四道草勢平鋪巨木森然礦多紫銅土色紅黃而宜種植氣候亦寒居民七八戶七月二十六日六十里而宿巴裏郎道路平坦多砂石草棚亦多巨木參天厥土爲黃泥兼砂如墾田可種氣候小寒居民三十二戶七月二十七日百里而宿拉子中間經木橋二道小溪一道草色綠營樹勢蒼古坪野曠闊山勢坦然種無不宜樹無不茂氣候溫和居民三十四戶七月二十八日六十里而宿邊壩沿途草坪亦多經小山一道木橋二道草木暢茂礦產富有厥土爲黃壤而並肥沃最宜種麥氣候略寒居民悉以牛毛帳棚七月二十九日七十里而宿丹達廟沿途皆山奇石磷立危道環遠古木奇形蒼草石出礦則多而種植少經小溪三道土地鮮少氣候極寒居民概以牛毛帳棚七月三十日百里而宿朗吉宗又名朗金清沿途過魯貢拉山奇石橫生古木聳翠金光耀目現于石中積雪參天陳于山際草坪雖有種植難生氣候極寒居民無有八月一日百零五里而宿阿蘭多沿途悉爲草坪草色青青木形直壯可以

築大室經小溪五道小山三道厥礦多銀厥土色紅種無不宜氣候稍寒居民二十七戶八月二日九十里而宿大板橋沿途過衛楚河即野人山境邁立開江之源流經瓦子山中間草坪最多惟無開墾而少種植厥土爲黃壤厥礦爲金銀氣候略寒居民八戶八月三日百一十二里而宿拉里汎沿途經溪六道草碧盛茂古木奇偉地形曠野路道坦然礦產皆有土色黃白惜不墾而少種以失地利氣候亦和居民二十八戶八月四日六十里而宿阿咱過桌喇山口山勢崎嶇道路石多草坪亦有木質堅然墾地宜麥礦產多金沿途經小溪二道木橋一邁厥土爲塗泥亦可開墾氣候小寒居民二戶八月五日九十里而宿山灣中間有一海子水出牛楚河而達邁立開江草地浩蕩古樹衆多路道平坦略有石砂厥土紅黃厥礦爲銀沿途經小溪二道氣候稍寒居民五戶八月六日百里而宿甯多塘終日行山中道路略有砂石草坪無有古木衆多沿途經小溪三道金銀銅礦富有氣候極寒居民無有行人宿以牛毛帳棚八月七日七十里而宿江達沿途悉經草坪過木橋二道小溪三道碧草暢茂古木奇偉厥土色青厥礦多銀氣候溫和居民十有六戶八月八日百一十里而宿鹿馬嶺沿途無大山脈經小山三道小溪五道原草離離古樹蒼蒼礦產銀銅種多玉麥厥土爲泥兼砂氣候稍寒居民五戶八月九日百零六里而宿仁進里沿途經小溪三道木橋二道草坪最大樹木英繁烏蘇江環遶由拉薩而合拉薩河直達雅魯藏布江厥礦金最多厥土黃白色氣候溫和居民三十四戶八月十日七十里而宿墨竹工卡有烏蘇江經其